

TNC 5399/7902

1





28473



STARS



陳子止存稿序

一有不學余道其

言者亦不為

言者亦不為

言者亦不為

言者亦不為

言者亦不為

言者亦不為

言者亦不為



陳子上存稿序

子上陳君既沒之十有八年余過其里從其子

訪其遺稿得詩文總若干首為四言為五言為

七言為古為樂府為律為絕凡若干卷文為記

為文為序為銘為贊為箴為跋凡若干首加詮

次為釐為若干卷題曰陳子上存稿俾藏于家

叙曰夫所貴乎文辭者非以言之工而貴之也

當理之言斯貴矣其言當理雖其人無足取君

子猶不以人廢言而使之泯沒也况其人若子



六卷子魚集

序

一



上者抗特操于亂世臨患難死生禍福而不易其志不污其身可謂賢矣而其言也揆諸往哲而有合傳之來世而無愧可使泯沒而無聞乎此予於其遺稿所以不能已其情也六藝百氏之言子上無不學而以求道為急凡詩文未嘗苟作要其歸不當于理者蓋鮮矣自為舉子時其所作已為流輩推重金華胡仲申先生以古學名嘗傲視一世人于文章靳許可獨敬愛子上再稱之曰能其擢進士也朝之名公鉅人若

翰林歐公太常張公禮部貢公御史吳公助教程公僉謂子上之文宜用朝廷施諸典冊相與論薦之而子上以親老顧取慶元踞錄事南遠赴上未二年度時不可為輒自免去擅兵柄而倔强州郡間者爭欲子上用之而子上終不為其用也流東西常使人不知所至未嘗終月淹也最後總戎其州者必欲脇致之子上遂棄妻子南至于閩文北至於懷慶尋以疾卒既卒而其文亦無能為收拾者以故平生所作存者止



不繫舟漁集  
此去嗚呼得其材於天成其學於已不獲措諸  
事業而徒托之述作君子之不幸也至於述作  
又多放失不幸抑何甚耶藉非子上所操自足  
以暴於世則天下之於子上何從而知之何從  
而信之此予之所以重有慨也其友謝復元氏  
欲率同志鏤板以永其傳力雖不逮而未嘗忘  
之豈其不猶予之情與豫章揭先生伯防稱子  
上之文上固遷本下獵諸子詩上遡漢魏而齊  
梁以下而論可謂知言矣復何所庸吾喙哉前

翰林編修眉山蘇伯衡序



書子上先生存稿序

余任監察御史時因嗣居霽山林景熙先生藏  
修之地廼為收拾所詩若干首所存文若干篇  
既鏤板以廣其傳矣尋陞按察副使使道歸省  
有鄉儒張君明復葉君元鼎各出所藏先正陳  
子上詩文告于予予白子刊行林霽山之集俾人  
得以觀誦不惟見林之錦心繡口吐露其忠肝  
義胆柳亦知子之景行先哲能發潛德齒光也  
且吾邑之繼林者又有陳先生子上其忠貞猶



介亦非尋常可及矧其為文上固遷本下臘諸  
子上遡漢魏而齊梁以下弗論曩者秘書監丞  
揭公伯防稱之如此人皆以為知言既而國史  
編修蘇公伯衡訪其詩文放失之外得若干卷  
題曰存稿特為序而付其友謝復元輩鋟梓未  
就存者反失終竟厥事非子而誰予是時本未  
知先生詩文之詳乃以事兄祿蒞為辭及閱其  
所序近山軒燕集詩謂至正十二年四月八日  
會於張思誠之軒時孔正夫呂敬忠與高十人

皆能文之士酒酣正夫曰茲集不可無紀于是  
分韻賦詩十首所謂敬中者乃予曾伯祖州判  
府君在任元行中書省照磨也又閱其所識至  
癸卯十二月二十七日自郡城回至州南聞平  
陽失守倉卒同江浙行省都事王銓問尋山徑  
泥塗中崎嶇逶迤所謂銓即予曾祖母王安人  
之父也由是而覘則知先生與予先世有通之  
好存稿之所刊烏得而辭哉于是具紙墨命學  
童一一錄出囑眷兄徐君以敬會友人陳君存



不繫舟集  
謙張君思廣重加訂正次為卷帙予則捐俸命  
工鏤板印行將與海內能詩文之君子共觀覽  
之庶俾先生之文不泯沒于世若其族放失之  
稿倘有得者收綴以為別集則有望于將來也  
先生之陳世為平陽金丹鄉祖諱高子上其字  
也棄家遁世旅寓他鄉因自號不繫舟渙者凡  
其出處行實則詳見于蘇揭諸公之序誌云

皆

成化元年龍集乙酉冬十月吉日

賜進士中憲大夫雲南按察司副使同邑後學  
呂洪書



不繫舟渙集卷之一

元慶元路錄事平陽陳高著



明 八世孫侯官一元較

四言古詩

采蘭

采蘭采蘭于彼江澗悠々我思在彼山下采蘭  
采蘭爰采其杞我之所思可以晤語采蘭采蘭  
以葉以蘂以葉以蘂以贈君子

漢水贈別也



瞻彼漢水其流潺湲之子于邁言采其蘭嚶  
好鳥集於林間娟娟美人可以晤言我思美人  
在漢之水我心允藏威儀楚楚聿求厥德將子  
是與慎爾優游成爾譽處南山有玉琢以為琚  
北上有梓規以為興君子好修始終弗渝

樹風堂

霄貌兩間具人之形父母遺體實全以生鞠育  
拊復思莫與京乾覆坤載莫可以名相彼鳥矣  
反哺飛鳴夫何人斯而敢忘情竭力報德惴

弗勝或後萬鐘願彼餘齡年歲弗與日邁月征  
辟樹欲靜風乃日停人子之心曷其自宜美哉  
沈君獨惕競日予祿仕將以親榮親以日耄我  
靡志成歸築我室耕我土塍菽水朝夕其樂則  
羸嗚呼沈君古人是徵養志為大奚庸三牲我  
願當世率由以行

送徐勉之為慈湖書院山長

北風蕭蕭冬日荒之子振轡歲暮有行子行  
何之于角東鄉維角東鄉慈溪湯有巖先哲



厥廟煌々往主其祠文教以昌懿彼先哲其道  
允藏如星在漢耿々其明尸而祝之千載有光  
伊世之昧如瞽悵悵乃多其岐而亡其羊就法  
就師以祛其盲嗟々遺文湮鬱弗揚之子之往  
春秋薦饗翩々佩琚來游來翔之子之往淑其  
俊良蔚彼鳴鳳宜集高岡胡戢其羽而下于場  
維屈乃伸有弛必張善爾令聞終履康莊高也  
作詩其言匪狂式慰子懷予以送將  
息菴為孔魯茂先生賦

維山之阿幽々其室有美君子爰息而逸其息  
伊何為美實多以寢以興以居靡他脩然亡世  
匪遯而逝時止則止聊以舒憇昔游而驅今息  
我車昔仕而趨今息我軀我息我交我友日遠  
我息我心我慮斯遣庸庶我生我息無營群愚  
逐々我息迺宜濶有鳴泉櫨有啼鳥我息而聽  
遠有膠擾庭有嘉樹巖有停雲我息而觀謝彼  
紛紜坐則怡々卧則熙々如丸在區如水不波  
息而弗息中為物役息焉而息々乃真得人處



不繫舟集卷之二  
弗息我息是耄在古賢達或與同好行者止蔭  
倦翼知遠於茲息焉永久弗讓

不繫舟集卷之一終

不繫舟集卷之二

元慶元路錄事平陽陳高著  
明 八世孫侯官一元較

騷體詩

南有山思友生也

南有山高惟虛矣其上伊石不可以輿兮念子  
之遠莫我愉兮南有水清惟流矣其津伊陸不  
可以舟兮念子之遠莫我傳兮育風淒々卉木  
病悴我行吳會曷其底居二三君子春我寡類



勉進厥修終始令譽

題蘭竹

懷美人兮南浦倚踈篁兮愁予佩嘉言兮同心  
期歲寒兮容與

思遠寄諸友生三首

水之廣兮不可以涉舟則可航兮我舟無楫伐  
木為楫兮孰與操我思我友兮心焉切切  
路之修兮不可以徒車則可載兮我車無輿伐  
木為輿兮就與駕我思我友兮不忘晨夜

翼于風兮害從以飛鱗于湍兮害群以隨我遠  
我友兮我友我思我思我友兮我友不知

菊頌為易尚賢賦

爰有嘉卉所性貞兮乾剛坤柔中稟精兮綠葉  
藁叢而不蔓花廟花伊何金英粲兮燿其婉  
婉懷正色兮幽淡青絕香可服兮媚于晚節守  
志俟命兮蹇茲孤高不可連遙兮吁嗟人兮莫  
爾知兮說聞棄正何疑兮遯世無悶聖所韙兮  
彼美君子其德可與比兮



題道原所作墨蘭蕙四首

有草維蘭兮在彼中阿上蔭幽篁兮白石莪  
雪霰交零兮歲冉々其幾何百卉憔悴兮為憂  
孔多嗚呼保此貞節兮其心靡他

蘭之花兮有苾其馨蘭之葉兮其色青々嗟蘭  
之生兮獨耿介而幽貞我思古人兮言掇其英  
有草維蕙兮生於林坳與荃為類兮與蘭為曹  
蕭艾離群兮不復混淆其敢自棄兮化而為茅  
蕙之花兮叢生而韞蕙之葉兮可紉以佩擘芳

菲兮勿使蕪穢題鳩鳴兮不遐有害我思灵修  
兮歲月其邁

不繫舟集卷之二終



不繫舟漢集卷之三

元慶元路錄事平陽陳高著

明 八世孫侯官一元較



五言古詩

寓興二首

入山采瓊瑤雲深白石堅瓊瑤不可采中心抱  
悵悵思美人青見芳草芳草在空山美人  
隔長道

種花種蘭蕙取士取君子蕭艾不馨香小人混



減否如何此君子芳草零落在山林古人不可  
見悠々傷我心

間居四首

今歲厭羈旅歸來田里間棲遲涉春夏居幽心  
自閒遠市絕喧啾閉門謝衣冠無營免慮外守  
拙非懷安晨興微雨霽課僕往西園嘉蔬摘翠  
葉時果收未九何能謀生理聊用致盤飧  
近舍數畝白深耕藝黍稷黍稷日以茂青々滿  
阡陌鋤耘去根莠經營待秋穡農事果艱辛勞

生念衣食雖有服力勤或免飢寒迫豐歲或可  
期優游度朝夕

暇日過南隣田父喜余至為余具酒漿坐間雜  
老稚苦言無殺馘但有園蔬味草率見真情酬  
酢感深意白日忽已暮頽然竟成醉所遇聊足  
懽何用計餘事

陶潛冲曠士棄官樂田園於世百無營唯愛濁  
酒樽乘化知委運賦詩多達言我今解簪綬歸  
來分所安荷鋤開荒徑種菊葉已繁佳辰步幽



隴水日懸衡門前修日敢企庶以避時喧

出門

出門尋微徑獨行繞荒村荒材居人少草屋畝  
畝間雞犬隱深竹桑麻被長園方春農事興耕  
者日已繁鋤耘愧力弱詎知衣食原入山虎狼  
怒涉海波濤翻徘徊奚所適顧瞻生永嘆抱拙  
守閭門里白日如流九念昔賢與哲棲口不違  
安懷居豈余心時乎復何言

掃室

日日掃居室既掃塵復生性癖頗愛淨去塵心  
乃清居間雖少事處世豈無營弱子在襁褓幾  
時堪使令嗟跼嘆光景困守限戶庭非無四方  
志邊隅未休兵遙聞官軍出盡毀徐州城朱門  
與碧牖回首成榛荆江淮及閩越寇盜之所經  
人民苟全活奔不得寧睽茲蓬廬下棲遲聊慰  
情但當勤洒掃讀書飽蒸羹萬事委天運何必  
求榮名

送竺上人歸狼山



不繫舟溪集  
飛雲無定跡有時亦遠山飄々方外侶倦游終  
念安晨興振衣袂登舟沂江湍適意且歸休及  
此歲未闌狼山近淮楚中有屋數間燕坐古樹  
陰濯足滄波寒時招白鳥永日共幽閒

戊戌新歲感懷二首

青々庭前柏晴日照顏色枝間巢衆禽朝去暮  
來息中有烏尾烏能生反哺雛歲新憶慈母獨  
立意躊躇

北風吹江樹冉冉江雲度隔江山嶺高雲行過  
山去野鳥逐云飛力盡不能隨新年憶親友極  
日望天涯

晚歸

西崦日初沒遠樹生夕陰晚步草露濕獨歸松  
徑深入室載言笑稚子牽衣襟尊中有濁醪可  
以酌復斟坐來窗牖白佳月出東林幽情寄觴  
詠適意忘華簪目得閒居理宜憂外患侵

雨中有懷李申伯楊彥祥二文友

幽室隱几卧覺來聞雨聲開窗上痕濕井邊春



草生旅寓惜芳草間居抱幽情美人期不至誰  
與共特饒相思巷南北如隔萬里城

客吳中詠懷三首

歲暮旅懷深憂思怨霄永謀生計何拙悠々去  
鄉井百為無一成壯志欲灰冷寄形天地間再  
再度光景青年詎長留綠髮變俄頃感嘆起中  
夜危坐心耿耿幽寔寂無聲明月照孤影  
慈竹冬生笋內茁知其因而我為人子乃獨遠  
其親々年迫哀暮問安乖晨昏當門惟弱子耕

稼服力勤瘠生所入薄何以奉甘珍負米愧前  
哲澡梗慚一身憂心奚所托仰視南飛雲  
弱質難任重晚學終寡得努力希前修駕馬追  
驥迹羈旅既荒蕪衰老况侵迫為人生世間所  
貴能有植倏為同物腐豈不深可惕刮摩賴友  
生庶幾成令德群居以游談於我竟何益失心  
芳同志願言慰昕夕

山居

避喧林下居抱病山中卧  
涖貧酒屢空性懶詩



慵課禽聲隔樹啼雲影當窓過獨有采樵人時  
來慰衰情

遷居

遷居城南村幽情意所適室廬頗虛敞結構自  
疇昔倒檜護周垣修竹蔭奇石涓々井泉清靄  
靄簷雲白去郭二三里迴與囂塵隔於茲載寢  
興朝暮靡所迫讀書南窓下奉食老親々側裾  
蹇戲童稚煮茗待賓客身閒貧亦佳机忘心已  
寂旋種園中蔬春葉庶堪摘時危幸安處生理  
宜復識雖非曠達夫翫世聊自得

過俞嶺

劉山行已過俞嶺仍嶮巖未橋度水滑石徑臨  
澗危舉目惟層峰俯首不敢窺道逢荷擔者相  
問各宮疲嗟予亦何事跋涉無已時去年此登  
涉今日復來茲行役豈無願倚門無乃思人生  
宇宙中勞逸誰所為既云形有形累安能息驅馳

泊館頭步

朝發芳林鎮夜依館頭泊厭茲跋涉勞懷哉田



園樂生理苦艰难歸耕嘆悠邈貧窶何足憂耳  
旨烏所託棲匕道路中素心負邱壑行年三十  
餘齒牙半搖落良田筋骨疲豈但質衰弱憂思  
耿不寐起觀衆星白群雞鳴江舉已復戒行客  
夜泊臨平山下有懷行道原上人

泊舟臨平下夜出湖水白村墟警群犬風林振  
伏翼游子多愁思僕夫倦行役開尊欲自醉對  
酒不能食緬懷吳中游詎念飄梗迤行公與我  
諧交誼比金石別來遙相望何以慰岑寂暫營

東歸棹即理西征履

歲首自廣陵入高郵舟中作

北風吹湖水遠行當歲徂孤舟去同中相依唯  
僕大遙睇高郵城彷彿十里餘落日去地遠飛  
鴈與雲俱悠匕思故鄉邈在天南隅慈親倚門  
望我身猶道途羈旅豈足恤但念骨肉踈何當  
脫行路歸卧山中廬

己丑歲元正二日發高郵

昨日初獻歲今晨發高郵飄蓬去節序此身真



若浮晴日照野外好風順行舟  
七人為予祝新年  
年去百憂自笑道路中奔走  
何時休朝為吳鄉客  
暮向淮楚游安居豈不願  
况乃非人謀乾坤  
無終極江海成淹留  
仰首視黃鵠奮翅何悠々

晚步

雨霽野色淨杖策步殘陽  
度橋尋幽徑沿溪遠  
西庄隴麥微生秀籬菊見清香  
行吟來復往零露忽沾裳

近山軒燕集

至正十二年夏四月八日會於張思誠之近山軒  
時君孔正夫方自吳回曾伯大陳德華徐德顯  
金士名呂敬中盧文威鄭子敬咸在而高亦與  
為皆能文之士酒酣正夫言曰茲集也不可以  
無紀乃命賦詩分韻取陶淵明孟夏草木繞屋  
樹扶疎之句凡為詩十首也嗚呼朋友會合而  
歡宴詠歌亦古人之所重也然平居無事時而  
接盃觴弄筆墨此特文人才士之常耳當茲海  
內用武之日而吾與



諸君居左邑下州得以恬然安處相與飲酒  
賦詩為樂豈非幸歟夫樂而不知其樂者衆  
人之情也樂為而不以文者荒于樂者也今  
也樂其樂而必以文亦可謂不失其正矣叙  
而錄之所以不忘也

出軒近青山層簷蔭高木茲晨天氣佳涼雨破  
裊燠鳴蟬度新聲叢蕙散餘馥几席具列陳籩  
豆進穀菽故人吳中歸舉酒喜相屬微酣歌忘  
形起坐命棋局好樂初匪荒笑語勝絲竹大生  
百年內光景猶轉轂况當艰虞際歡會情云篤  
酒闌復何言長歌紫芝曲

青楓嶺王貞婦祠

我上青楓嶺其下溪流駛昔年王貞婦抱節向  
茲委婦本家赤城從夫哲終始國破罹百憂囚  
奴隸戎士何哉千夫將悅色思配已良人被殺  
戮禍延舅姑氏殘生雖云依大義敢安毀一死  
誠不難執縛未有以詭詞告軍將妾豈負君子  
苟妾能事夫事君亦如此聽妾哀經除終當侍



不繫舟漢集  
牀第軍將聞此言防虞稍為弛行行至斯地四  
顧行且止悲風滿青山落日啼青兕矢詩寫我  
心書石齧我指精誠動靈祇血染石為紫躍入  
千仞淵魂飛魄沉水至今立祠廟鐫珉著哀誅  
生懷貞淑姿死為節義鬼我来按遺迹淚下不  
能已因悲文夫子食祿昧廉恥堂上襄淮帥授  
城猶棄蹤視此宜復愧生存孰如死嗚呼千載  
下風化賴網紀

途中遇雨

出郭天始晴入郊雨仍洒農夫且怨咨况我行  
道者前途上修嶺四顧迷廣野登陟極煩倦出  
思何能寫軀體父母遺非敢竝牛馬立身苦未  
遂勞形亦天假豈云舊田廬隱居事耕稼垂釣  
清水濱讀書茂林下歲晚成斯願今茲未遑暇

感寓二首

慈鳥在巢時相依子與母因風出巢去顧影獨  
千里千里何悠々天高露如水鳥飛還故枝遊  
子悲別離



中原有高山檻泉出其隅洧入溪澗所輕良  
已殊奔流云日夜東去趨尾閭逝水云回波少  
壯能幾時

過馮公嶺

絕壁倚霄漢千峰勢如馳何年五十士鑿石連  
天梯縈紆上不可髣髴登我眉白石齧我足霜  
風吹我衣前途政迢遞我已筋已疲寒花道傍  
開幽鳥林間啼彷徨俯自慰少憩日已西浮生  
浪奔走困踣胡爾為他年履坦道慎勿忘嶮巖

感興

自漢以來五言之作多矣其言善者大抵皆  
直致云華飾之辭簡淡而意味深遠下是則  
雕鏤錡靡不出乎風雲月露花草禽魚之間  
而理趣蔑如也昔唐陳拾遺當作感遇詩詞  
格高而新安朱子則病其淫于仙佛恠妄之  
說故朱子齋居感興之作乃一寓於理扶樹  
道教而辭之要妙特其餘耳殆未易于古今  
詩人律之也予客房無事讀書餘暇操觚染



翰適意于詩得二十六首亦命之曰感興率  
皆託興成章鄙俚去文固不敢窺作者之藩  
籬而視朱夫子之扶樹道教者又何敢望獨  
于陳古道今引物比類意在微勸不習于雕  
鏤而不淪于恠妄則庶幾其萬一焉或可以  
俟觀民風者之採擇云爾

混沌既分裂乾坤遂開陳九重不可測八紘渺  
去垠遙思天地先一氣應網緼自茫開闢來不  
知幾千春朴太一以散智巧方紛紜至化日銷

蕩誰能反其淳我行遺斯世秦楚與為鄰

兩儀辨清濁萬物紛迴互幹旋造化机豈不以  
理故去形為有像彷彿隨所寓太極祇強名駕  
說無巧固誰能窮其原逝與游玄圃  
茫茫上古初斯人若麋鹿野處食猩匕虎狼共  
馳逐皇天降神聖為氓去荼毒羲農與軒轅奮  
起相接足乘馬穿牛揉耒種嘉穀皮毛作衣  
裳巢穴變廬屋元功被萬世蚩匕遂生育古來  
無聖人吾其久魚肉



唐虞邈亦遠禹湯亦悠々周轍一東狩王網遂  
漂流春秋更五霸日日尋戈茅陵夷逮七國斯  
民益云聊戰血滿溝塹殺星入雲霄商君佐嬴  
秦變法開田疇積強至六世虎視吞諸侯宰割  
天下地郡縣羅九州焚書任法律儒生成虔劉  
漢皇起豐沛三尺誅民讐開基四百年烈々壯  
鴻猷惜哉英明主不學遺遠謀一時繪狗徒替  
業非伊周遂使皇王改廢墮不復修此机一以  
失餘恨空千秋

孔孟起衰世棲遲走諸國一身葬邱墟斯文寄  
方冊淵然洙泗流浩若江海澤伊人一以遠異  
端日滋息誘民猶有墮麓奇言勝楊墨亡羊多  
歧徑周道長荆棘舉世醒既深何以挽沉溺上  
帝司民政而乃相淫慝天意尚如兹滔々誰與  
易崑崙幾千仞王母當中居縹緲三神山尽宿  
飛仙徒粲瓊以為糧鞭虬以為輿壽命等天地  
出入乘空虛此事古相傳不知真有云但傷世  
迫阨百歲猶須臾之人果可見吾欲膏吾車



有生必有死芸々歸其根  
盡魄既入土何所藏  
吾魂世愚不曉事妄說  
相循環人物互變幻形  
散神獨存死生信如此  
有身乃黃緣不用男女  
構軀體應自完茲理至  
昭晰可與智者論  
羲和鞭灵車去去一何速  
乍見升扶桑俄然次  
蒙古光陰既如許人世  
誠局促胡為有限身乃  
逐云涯欲夸父矜其能  
走遠不知復至今西海  
上青々鄧林木

策馬吳城西攬雪姑蘇台  
寒林噪烏雀故址叢  
蒿萊登高忽悽愴懷古思  
悠哉夫差藉世烈起  
土碑民財曲木構華館  
離宮蔽層厓嬌嬈醉越  
女歌舞環吳娃觀樂方  
未畢爭霸心已灰不須  
百歲後已見糜鹿來興  
雖古有窮欲乃先摧覆  
車不自戒長使後人哀  
青山或可移白石尚可  
轉志士懷苦心九死不  
願返首陽餓仁賢至今  
激貪悞汨羅沈楚纍千  
載悲忠蹇人生誰不死  
身沒名貴顯胡為草玄  
人美新思苟免



楚人廢醴酒穆生不復留申公春恩德終為楚  
市因保身貴明哲知幾諒寡尤後來賢達士誰  
能繼前修

豪家列華第被金飯珠玉茅屋耕田夫衣食常  
不足均為羲皇民胡為異榮辱遠懷雍熙世寧  
復有茲俗誰與開井田吾思食其肉  
乾坤奠高卑設伍終不易聖人定民志貴賤有  
常式云胡世道衰習俗常奸慝輿台百金裘祗  
賈八珍食賈生久不作誰為長太息

縹緲浮圖宮儼若王者居列起後二三千僮僕  
數百餘飽食被紈素安坐談空虛秋未入租稅  
鞭朴耕田夫不恤終歲苦微求盡鎔珠野人不  
敢怒泣睇長歎歎

五侯佳子弟弱冠乃高舉承籍閭闔功官爵紆  
青紫五馬躍春華一麾守王土誅求肆狼貪立  
威嚴筆楚斯民天所眷視之如草屨置官擇賢  
才茲事由來古君看龔與黃何嘗有門戶  
邊城將家子十歲承華胄腰懸金虎符萬夫擁



前後上馬未勝甲引轡猶脫肘日日驅官軍指  
麾縱鷹狗生當太平世去復事爭聞天家賜高  
爵膂力吾何有但問祖父資不問能事否  
客從北方來少年美容顏繡衣白玉帶駿馬黃  
金鞍捧鞭揖豪右意氣邱山自云金章胄祖父  
皆朱璠不用識文字二十為高官市人共咨嗟  
夾道紛駢觀何如窮巷士埋首書卷間年已去  
射策臨老猶儒冠

步出城門道忽見群馳車  
中何所有文貝光  
陸離美娃載後乘銷金燦裳衣問之何如人云

是官滿聞者交嘆息清明復奚為

水生隋侯山出和氏璧  
隋珠光照乘和璧白盈  
尺奉世以為寶連城售其直寒者不可衣飢者  
不可食珠璧之所存莫夜尋戈戟所以君子人  
其實在乎德

淳風變澆漓薄俗廢直道  
美女事新妝入宮擅  
華姣中心苟不美顏色  
有何好朝來枝上花日  
暮萎芳哉懷哉空谷人  
貞節以終老



大江日以東耀灵日以西在世閱光景倏忽流  
駒馳繁花向春開落葉迎秋飛榮枯有常理人  
生猶若茲愚夫昧遠識荒淫速其疲誕者蘄神  
仙不死今有誰何如安吾分委順以從時  
丈夫重意氣不為兒女悲得喪如浮雲滅七竟  
何為君看松與柏不寒青不移槐柳遇霜露顛  
顛去光輝懷哉古之人永與今世違

東風二三月桃李滿名園乘時得其所獨受陽  
和恩英七籬間菊開花當歲寒已去雨露滋兼

有風霜患君子力為善窮達寧復論紛七競支  
熱得意何足言

明七空中月浮云能蔽之我心忽不樂清夜有  
所思古人既云遠古道日以非後生采春華舉  
世吾誰歸飄風颯然至吹我裳與衣恨去復飛  
翼遠逝凌風飛感傷復奮激沉吟以徘徊

悲風西北來樹木聲蕭七蟋蟀鳴四壁鴻雁飛  
層霄時光忽已異四序如更徭人生去百年轉  
瞬朱顏凋胡不崇明德早使勛業照空悲千載



下身死名寂寥

喜聞友人來訪

遯迹向荒郊客身如縶維良朋不我顧出門何  
所之故人漢水上悠々毋懷思惠來忽有約風  
雨云愆期終夜喜不寐天命起披衣命僕掃齋  
室拂拭牀與帷臨河望舟楫行道想逶迤我有  
一樽酒々味甘如飴久藏待君至盥爵共君醜  
飲酒豈足貴真情良在茲

送錢思復二首

雨晴春正佳潮生日初上出郭送歸人江臯繫  
蘭漿之子文章因儒職因羈鞅三年留海邦聲  
名動官長故鄉忽在念束書遂長往上官再三  
留終焉不可強白雲繞孤嶼晴煙連雁蕩東風  
花滿城好鳥鳴三兩字去我獨居幽景負心賞  
見面方喜熱離別苦多情人生倏聚散猶去去  
根萍我泛湖海歸春々求友生子昔尚淹留今  
朝舍我白駒不可繫何以能合并春江波濯々  
猗蘭葉青々采蘭江之澣與子結同盟豈去桃



李花所貴在芳馨願子勿損棄歲晏保忠貞

送陸有章分題得巽山

巽山如層臺積翠俯城郭古木秀松楸玄鳥隱  
樓閣雨散飛素雲風靜語丹鶴游人日躋攀杖  
履相繹絡陸郎吳中來雅志好邱壑哦詩松間  
題携酒石上酌我性亦愛山方期結幽約茲為  
送子去登陟慘不樂遠別已傷懷真境况寥落  
但立睇大江孤舟入冥邈

江節婦詩三首

彼美汪家婦早年喪其夫  
兢兢抱弱女上堂奉  
舅姑舅姑深見怜  
向婦意何如凜然秉大義之  
死矢弗渝託身事良人  
豈為存沒殊宜持如花  
顏甘隨秋草枯夫婦閔風化  
自古有孀居采杞南山下  
杞實何離七 從夫未有子  
夫死身曷依旁人若相勸  
懇七 甘言辭自惟失所天  
一身將事誰伶仃奚足恤  
但恐節義虧白石尚可  
轉圭璧有瑕疵此心猶柏  
歲晏終不移烈女無異志  
茲事今罕聞風俗日以降  
朝寡暮



求姻寥々出谷中乃有如斯人二十守孤幃白  
首良苦辛旌表未及門敢勞使者勤孀居宜有  
為風勵豈云因我歌節婦詩庶以敦彝倫

寒江分韻

冬雨昨夜霽落日江水寒天影侵澄碧霜風動  
微瀾飛來白鷗淨點々下江于更云垂釣者獨  
立縱遐觀

觀稼

觀稼往西郊徐步循畝澮離々實方堅或々葉  
乃茂翠浪翻風動綠雲連野莠藹根莠亦尽除  
螟蟲幸云害功雖人力成根由甘雨大豐年在  
今茲已飽一堪賴

瓜園

園瓜有秋實引蔓亦已長蔓長實自大甘美亦  
內藏可以解裨熟入口心清涼底言奉玉食未  
許他人嘗

送朱惟敬奉使還京十首

南風吹海水白浪高如山張颿引大舸千里瞬



息間紛々南來使多從海上遠早晚至京邑復  
命趨朝班

桓七朱將軍丞相所掄擇才過千人俊勇夫百  
夫特徵兵未海東泛舟返燕北觀其磊落懷終  
當獻奇績

重臣居省台銓衡握清選州郡富官僚將帥豈  
踈遠君胡招不留得非厭軒冕麒麟使可羈夫  
豈異羊犬

將軍有隻劍吐氣光如虹元是龍所化一雌與  
一雄指揮走妖魅奮擊生秋風何時用神武與  
國成殊功

盜賊起襄穎延蔓梗江淮征伐六七載道途猶  
未開孰為豪傑士首義羅群材共成中興業紀  
功于雲臺

昔在有虞氏修文格三苗孰知荷戈甲敵愾毗  
清朝行師不負糧出沒如風飄寄語山西將功  
高去自驕

吳郡甲天下城郭何崇々倉粟數百萬惜哉飽



群凶諸將未平賊朝廷已論功將軍有深計何  
不覓侯封

庸醫疾多死扁鵲廢居閑群工毀大木巧匠在  
傍觀追土策駕蹇擊隼合鷹鷂嗟哉朱將軍懷  
才空自怜

新垣欲帝秦魯連思蹈海片言解群紛高風凜  
千載自古有豪雄而今竟安在君去當努力吾  
將逐樵采

離別最傷懷况茲風塵際日已送行人為君獨  
增慨浮雲多北飛江流向東逝執手遡青天英  
雄豈終滯

留別諸友分韻得日字

寒色滿大江北風吹落日停舟別諸彥中懷抱  
湮爵黃緣結金蘭深固比膠漆佳會不可常歲  
晏政寥慄居者成淹留行者念家室分攜在俄  
頃東西永相失俯視流波去仰看飛鳥疾人生  
如浮萍乾坤渺蕭瑟

因彭仲愈歸江東寄屠彥德得東字



歲暮送行舟憂心鬱仲仁因懷平生友寂寥青  
山中豈意松柏姿乃在櫟標叢經年羈旅別千  
里夢寐多通邊城多鼓聲志士憂世同剝談念  
終夕道遠去由逢浮雲隨風至江水日夜東思  
君何時來搔首望飛鴻

題畫

天高白露下空山秋寂寥尋真入谷口幽景如  
見招白石可礪齒古木堪懸瓢為愛琅玕淨不  
知歸路遙

送董仲仁

我歸自京師萬事成懶拙棲遲衡門下不出動  
經月非厭漫浪遊時事與曩別世路多榛棘盜  
賊殊未滅淮泗天漲塵汝潁地流血光武統絕  
跡冬夏猶蒞代徵需遍郡邑供億到貧乏百物  
價騰湧貴糴珠璣珎持錢入虛市所索每室缺  
如去三月聚詎免糧糗絕斯時為羈旅章甫適  
諸越壯哉董氏子出門志軒豁誓覽山水奇徑  
往度西浙嗟我肩暫息漢子興莫遏作詩送遠



行極自江海濶

村居

村居遠城郭來往多雜賓讀書茅屋下多營存  
道真羹藜飯脫粟聊以度昏晨自予入京華歸  
來屬風塵州里經變改親舊多漂淪安全亦以  
幸荒僻詎敢嗔娟娟東園竹冉冉南山雲虛簷  
噪乾鵲方池躍遊鱗間觀契心賞靜處與物親  
明年繫官守懷此夢應頻

送吳有齊提舉台州鑿局

嶄々天台山玉立東海湄芝草生其阿碧色甘  
如貽昔年劉阮輩采之療長飢邱陵變深谷宜  
復思來歸神仙竟何事絕物祇自怡今君捧檄  
去遙與猿鶴期優游百僚底白日和天倪山中  
固云樂民瘼當春思

寓真華玄館

性本愛邱壑宦游違素心所寓得幽勝亦足散  
衽襟娟娟泉石淨幽々松竹深晴旭破嵐影層  
雲結崖陰誰信居城市有此佳山林虛曠情以



適冲寂道所任持觴玩嘉卉  
欵枕聽鳴禽匡時若無策  
于世且浮沉

渡沂

昨日發河陽今晨渡沂水  
驅車遠行邁計程行未已  
曠野人烟稀朔風塵沙起  
蕭條歲華暮慘澹日色死  
悠々望京國悒々念鄉里  
功名亦何為行役信勞止  
乃知達道人不慕外榮美  
守真始全天徇物固忘己  
春風舞雩樂懷哉曾氏子

遊白雲山

呼春衣詎辭典懽然集佳友  
坐席傍花展折枝挿瓶罐  
摘蔬泛盃淺娛情詠詩章  
八耳謝竿阮念茲時事艰  
日聞報兵燹東溟舞蛟鼉  
中州嘯豺犬征代勞將帥  
奔走困冠冕吾徒布衣士  
憂患聊喜免且盡花下樂  
亦足慰屯蹇

游鳴山寺

久聞鳴山佳近郭青可盼  
烟霞屢有期杖屨未能辦  
茲晨動佳興勇往贖前慢  
同行八九人亦有總角州  
穿林入小溪越水闔危棧  
維時令十



月北風歲將晏清芬蘭菊在秀色松竹間楓葉  
黃欲落杞實紅始綻石罅鳴寒蛩峰頂度鳴雁  
翫覽亦足欣登陟亦喜慣巖根古提招殿宇輒  
溪澗粉壁苔蘚蝕虛室鼯鼠瞬因覩真鏡空愈  
悟浮生幻堅固非椿松逍遙等鵬鷄此身墮塵  
網何日逝世患懺悔始自今往者不可諫

登蒼峴嶺

平時愛游覽客居局促苦間携青藜杖步繞山  
之麓我々蒼峴嶺躋攀信吾足苔滑石崎嶇林

深徑紆曲秀往指前岡忍喘出幽谷西日映哀  
草朔風振枯木玄禪寂無聲飢鼯走相逐朱實  
垂枸杞黃花吐寒菊徒倚憩巖端顧招友與僕  
須臾至絕頂太湖在我目白波何茫々勢與滄  
海屬北望平楚澗原田布棋局澄江杯杓水白  
容蟻封伏天地信寬廣吾身渺如粟因思去年  
秋出游壯輿輟志將渡江河歷覽偏坤軸透遲  
陟陽華逆運登涿鹿躡雲上泰岱尋仙入玉屋  
遙覩峩眉雪遂采崑崙玉屬茲時險艱風塵滿



平陸群偷起淮穎官軍向澶濮淹留經春秋未  
遂償所欲朝廷尚憂虞我何怨拘束回首望南  
越華蓋倚天綠草堂在其下石田猶可菽悠然  
動歸興何嘗跨黃鵠

送彭仲愈歸江東

平生湖海間求友亦云衆知君苦恨晚翩然鳥  
中鳳論心一論合結交萬金重去年來吳門夜  
宿幾回共春秋談王霸功烈卑管仲詩章頻倡  
和出語或嘲哂君才千里驥奔風勒飛鞚手持

溪子弩百發靡不中愧我策駑始追逐勞縱送  
別離每與懷神交屢形夢関山草木落雨雪作  
寒凍遠家有程期舟楫清晨連我亦東南歸懽  
會從此壅豈不念留處時節傾酒壘風塵起淮  
穎干戈滿梁宋蕭條羈旅中日夜成憂恐鄱陽  
冬魚肥盤餐足朝供讀書待時清懷才豈無用  
深廣須滄溟菑蘓在畬種臨分肺腑肯為兒女  
哄他時遙見思持此幸吟諷

庚子八月游荃潮登東阜觀新龍湫時同



游子白修撰一初上人

適意訪林泉尋幽入山谷綠崖上嶽嶽披榛轉  
屈曲俯首神龍居萬丈闕坤軸空虛穴玄竇鍛  
錚溜寒瀑陰晴變頃臾靈恠闕幽獨窮源倦躋  
攀坐憩縱游目纖々石上泉娟々澗邊竹雲飛  
渡前岡鳴禽在高木於茲得蕭散悠哉遠榮辱  
任達遺外紛希真企芳躅未遂琴高期具從勿  
平牧

次日同諸公游西瀨舊龍湫

昨日陟東嶽食晨窮西瀨徑跡稍平夷巖石亦  
奇恠泉源從何來飛流宛如帶龍居餘舊跡窟  
穴分小大遷徙自何年詎測神靈會胡為數變  
化無乃厭污穢至今邇吾室足跡未嘗屆清游  
因佳朋景物固有待文聞石甕潭迥出煙霞外  
暫歸憇疲倦登覽明當再纓簪久已投邱壑素  
所愛於世復何營逍遙以終歲

為章以元題扇

章生方少年蚤負英銳氣鳳雛非凡姿驥子有



遠志出言如抽絲所好在文字訪我容城下頻  
來見真意我哀百云能悒悒處城市歸田違本  
懷蹇裳掛塵累時事屬多艱交游嘆踈棄念昔  
與若翁敦篤金蘭契斯人不可見對汝亦頗慰  
操本就方圓刮鏃出銛利努力事詩書他年看  
成器

濯翠亭聞屋上人賦

孤亭依山構松竹環蕭森霏霏灑空翠翳翳生  
涼陰宴坐湛以寂出棲鳥而深高人久忘世於

為冥道心

葡萄泉

薄遊蓀草湖載酒葡萄泉中流湧微沫何處通  
靈源出竅蛟珠迸浮波魚目圓髣髴秋架上累  
纍佳石懸賞象物形有類託名美斯傳我欲醞  
為酒飲之應得仙勿令濯塵足污此清且漣

寓興

采葉莫采葛摘花莫摘李葛葉能庇根李花能  
結子何草不生葉何樹不開花從君自采摘不



怕損繁華

征婦怨

征夫出門時征婦淚垂  
把酒勸夫飲執手問  
歸期歸期今已過更  
無消息歸朝倚樓望  
只見雁南飛

落梅曲

梅花開滿枝  
無奈曉風吹  
風吹花落  
盡爭作  
未開時  
花開終有落  
非關曉風惡  
愁殺愛花人  
城頭復吹角

商婦吟

嫁夫嫁商賈重利不重恩  
三年南海去寄信云  
回音妾身為婦人不敢出  
閨門縫衣待君返請  
君看淚痕

白紵詞

美人裁白紵製為身上衣  
塵垢那能污霜雪映  
水肌綺羅非不敢貴  
隨時變顏色何如白紵衣  
着破絲猶白

野菊花



楚菊生籬下開花一何遲  
晨霜白滿塋金英榮  
離<sub>口</sub>幽香空自媚佳色  
無人知不如桃與李  
花發正逢時

題臨清亭

出亭楸清泚翠嶽環  
嶽涵波闌檻淨遠簷  
花木深遊魚弄微影  
好鳥度輕音懽樂酬  
芳景欣然會賞心

題滕王閣圖

飛閣臨流構華棟  
憑虛起感慨古今同  
登眺江山美詞翰  
憶三王笙歌懷帝子  
寂寞千載餘長天  
映秋水

岳陽樓圖

巴陵地殊勝洞庭波  
渺綿層樓碧霄上  
雕欄綠樹邊想像對  
畫圖游規阻風烟何  
由跨黃鵠憑高望  
遠天

行路嘆

禽鳥各有巢我行獨  
無家蔓草野多露  
渺<sub>口</sub>天之涯親識不  
在傍四顧長咨嘆  
豈<sub>口</sub>多鄉念兵



革政交加豈無骨肉情節義乃所嘉白日照青天此身庶無暇陽林翳柔條出溪破芳葩方春各自媚爭妍競繁華伫立愈傷感憂心復如麻  
凄々日將夕迢々路賒悲風颯然至々滿目驚塵沙

種藥軒為孫仲誨賦

層軒構虛敞隱居山谷深繞簷種名藥鋤埋力所任枸杞生夏苗穹窮長春陰綠烟護紫木翠雨滋多參出香既可愛靈根亦易尋養性延壽

命攻疾驅邪淫活人醫國手濟物仁者心佳卉滿園植彼哉奚足欽

會徐元彬家食櫻桃

含桃初夏熟繁食綴柔條映日映耀晴午凝露明初朝采之青眼眩粲若朱唇嬌瑪璃照水椀  
驪珠絢紅綃奇姿比閩荔美珠似江珧佳人玉  
齒寒文園書渴消念我困羈旅覩物心搖々摘  
鮮想山圃寵賜懷天朝兵戈邁屯蹇身跡隻寂  
寥主人酷好事有酒即見招嘗新編坐客分甘



不繫舟海集  
及垂髻灵丹入吾口可弭朱顏凋從茲化几骨  
遐征隨子喬

讀徐君雲松小稿二首

雨霽石坛淨幽篁生綠陰微風東南來涼氣散  
衣襟拂苔坐青石焚香對碧岑細把新詩詠朱  
絃有遺音  
歌詩本情性風雅宜寥亡去右益以遠衆巧競  
誼囂華木鏤蟲篆綠裳剪冰綃邈哉云松子孤  
鳳鳴清朝

長行歌

守節豈為名秉義不顧身於心苟無愧毀譽從  
化人我生髮垂白干戈邁遭屯衡門久棲遯故  
土俄湮淪烏逝舊巢臭遊避絲緡但知君臣義  
宜論骨肉親行道靡朝夕知我唯蒼旻王師在  
河上四野猶戰塵南征一何緩忠憤奚由信仰  
看隻飛翼涕泗沾衣巾

送孔州判得代歸鄉

出仕本行志去官豈沽名進退古所重禮讓以



為榮孔君受代歸挽留車不停白車何皎  
鴻獨冥上南山有叢桂東籬粲黃英念我久辭  
祿遲子結同盟

### 懲懲

生晚構屯蹇性直離褐尤祿仕以為養反貽父  
母憂一身被茲累懲懲豈云由未才任冗職奔  
走內恒羞斯民困瘡痍鞭撻忍誅求緩刑志搖  
宇厲節懷清修獨醒眾所忌讒構生戈茅曼然  
空屋中經月成淹留潛棲絕內外孤坐自吟謳

朝看白日出夜覩明星流西風木葉下四壁蛩  
聲愁感茲時物變蕭條悲素秋念昔賢與哲艱  
危尚拘齒夏臺曾湯美里乃縻周屈平忠見放  
楊盼賢而囚縲綫苟非罪於人吾何讐知幾昧  
前訓省躬思遠猷安得委天運吾道方悠悠

### 達觀

古今世忽易生死人同所百年駒過隙壽考非  
椿松胡為極心意夸毗爭長雄貴賤竟何為愚  
哲各有終或為樹名譽可以垂云窮誰知身既



沒倏忽猶飄風天地會有尽人物終漸融堯桀  
孰是非畢竟成虛空所以達觀士乘化遊區中  
誰能契茲理吾與訪崆峒

題陶淵明歸去來圖

榮名世所逐好爵人易縻孰忘軒冕貴而有田  
園思陶公令鼓澤明哲照幾微晉室日陵替周  
鼎將遷移歸來向衡宇幽情托妍辭松菊三徑  
懷舟車邱壑期冲襟邈間曠遠識超轅羲其人  
既云遠作者今有誰聞風夙所慕投綬方自茲

覽圖成嘆息永言以為師

戊戌歲旦日方謝事間居

履端佳節至晴旭散寒威習俗競來往間居免  
驅馳感茲歲時返念我筋力衰求名愧枉已遯  
世起遐思詎云事高尚聊以避艱危白梅發新  
花翠柏長舊枝覽物自通意傾觴遠賦詩俯仰  
不愧作沉淪寧復辭

西旅葵圖

牧野定周命鎬京開辟雍九服成懿德遐陬被



皇風迨上西方國語言重譯通慕義不辭遠負  
葵隨會同四夷既賓服周道信昭融聖心豈遂  
侈老臣敢忘忠但恐九仞山虧此一簣功懇  
訓誥辭燦上簡冊中胡為千載下盡史誇愚蒙  
功將丹青筆極茲摹寫工徒起玩物志詎有責  
難恭願載旅葵篇持之獻九重

戊戌歲端午寓居慈溪有感

三載滯遊宦荏苒度芳辰屬茲端陽節復來慈  
水濱居間謝人事迢迢去雜賓酒杯泛菖蒲于  
以壽尊親開門青山近霽色曉來親園留發紅  
花堦草鋪綠茵對物固可樂感時復酸辛原野  
半荆棘江淮尚風塵蕩滌未有期安居諒無因  
舉世政沉湎誰為獨醒人載歌哀郢章捲涕思  
靈均

發嵯縣

行役苦晝熱戒程當夜闌睡覺呼僕夫出門路  
漫上明月照人影踈星掛樹間流螢點衣袂零  
露濕中冠朝遠剡溪水俄入新昌山屬茲干戈



際愈覺行路難愧無經世資何以濟險艱  
抱遠思綿々起憂端東方忽已白林鳥鳴間  
前瞻石嶺峻喟然發長嘆

整書冊

間居去所營暇日整書冊蠹魚生育蕃  
因悲久為客雜失亂次序損壞加補飾  
深好不知疲朝飢至忘食在昔手所置  
經日猶愛惜披閱備餘年豈為子孫積  
山妻向我語喪亂日侵迫一身尚為累  
挾此竟益何搖卷輒然笑欲應遠復默

汝言自有理終難已吾癖

秋成大水傷稼憫農有作

農人藝黍稷生理在西疇終歲事耕耨  
勞動望有秋場圃既已築倉廩方期收  
大風連日雨原野漲洪流萬頃坐淪沒  
比屋盡悲愁公私急租賦何以備微求  
既去伏臆儲宜免溝壑憂飢饉乃薦至  
兵革仍未休民生病方悴天道邈以憂  
三復下泉詩慷慨念京周

過廣福寺石屏山房懷曾子白修撰陳伯



清寺講

遊行滯春雨，憇息依禪林。寺門閉寥闕，崖石聳  
嶽峯。幽禽飛復上，修竹何森々。賞寂屏塵慮，觀  
空起遐心。分榻坐云影，巡廊步曉陰。緬懷玉堂  
彦，曾此共登臨。惆悵松遺迹，石徑蒼苔深。

郊行

郊行日遲々，風和氣維穆。溝渠水方漲，隴麥秀  
以綠。荒村兵燹餘，蕭條數家屋。農人重田事，偶  
耕及春燠。老婦餉其夫，稚子飯黃犢。我本疎散  
人，出遊靡拘束。已云簪纓累，但望禾黍熟。逍遙  
樂吾生，奚復憂榮辱。

入郭

久矣居荒村，偶然入城郭。踈懶性所成，俯仰心  
內怍。物情多憂遷，權門勢輝燿。交遊問時事，忘  
言廢酬酢。壯士山中來，辟行競超躍。市人尽趨  
避，宣論高蓋爵。我昔縻簪纓，今茲釋羈縛。知止  
免殆危，懷寵嘆零落。斯理世或昧，遺訓仰先覺。  
相知恰契濶，出酒共斟酌。干戈政縱橫，盤餐亦



不盡升溪集  
蕭索南山筍可嘗西園麥初獲何能久留滯歸  
家且為樂

題高士煮茶圖

古皇嘗草木肫匕惠吾氓百藥濟天死五穀養  
其生維茶亦地產青匕柯葉榮諒匪急世用以  
茲遺芳馨後來競采摘紛匕事煎烹聞品俗所  
尚翰貢官有程竭資困民力權貨為國經何人  
繪高士別味試鼎鑪細觀摹画工令我感慨并  
口腹豈足貴思古心忤忤

為農

代耕久辭祿為農乃勞生既有形体累詎免衣  
食營瘠土易荒穢鋤埋恐弗勝晨出露未晞夜  
歸月已明避世敢求逸力作非取羸飢餐有脫  
粟美味止藜羹屬饜以為貴奚為膳牢牲玩華  
狗物役養真忘外榮陶潛信賢達千載仰其名

擇穀種

力穡已就斂嘉種及時收辛勤于自擇預為來  
歲謀秣穉悉遺棄稊稗宜復留去稿曝以日入



不繫舟集  
三九  
窖藏諸出及春農務興荷耒向西疇持茲播隴  
畝可以望秋生理在農事朝夕不遑林躬稼聖  
攸尚素餐賢所羞耕作信艱食俯仰庶寡尤

白露

白露凋野草天氣淒以涼思親感時節悲哽涕  
其旁念昔負耒歸曷以奉高堂露養豈不願耕  
耘後時康風木動哀怨溘焉以淪亡歲月東逝  
波出壤踳荒亡遊魂何所之終古隔容光瞻彼  
返哺烏翩亡載飛揚蓼莪不忍誦仰視天蒼亡

治圃有感

晨興荷鋤出蔬圃聊自治去草絕其根勿令生  
蔓滋嘉蔬日以長惡草日以衰手植葱與韭青  
青滿畦畦盤餐豈不足采摘有余悲昔為甘旨  
具今茲將奉誰倚鋤向蔬立淚下沾裳衣

同蔣伯威朱德常遊育王山

春晴煙霧開地勝林泉迥杖策隨諸彥尋僧訪  
幽景古逕人影稀落日松陰冷徜徉谷鳥散臨  
憩山房靜玄賞詎能忘塵慮送茲屏



寄張籌

遠遊違親戚慰意賴佳朋  
蕭條荒郊外喜子來  
相仍雖敦詩書好恩與骨肉并  
夜語幾發寢晚步每同行  
以茲故淹留靡知歲月征  
昨暮別我去携琴過西垞  
一日為九秋咫尺有蓬瀛  
豈云二三子肺肝與誰明  
久客非所樂况兼貧病增  
西風吹庭樹百感聚中局  
盜賊滿滄海官軍尚縱橫  
東歸去羽翰棲々愧微生  
願子數相過庶幾聞我情

觀湖

勝日携佳友出郊眺長湖  
積波何微莖巨浪爭奔趨  
隱耳驚萬雷喧空撼千夫  
上下宇宙混東西琅瑯去  
晶淼浸百里彷彿吞三吳  
坤與折不合鰲極傾莫扶  
晶光浴秋日簸弄琉璃珠  
蜿蜒吳中山黛色青模糊  
夫椒據其作林屋在南隅  
風前渙舸竝煙際歸帆孤  
出浦出菱芡淺渚生葭蘆  
濯々見白鳥汎々浮青鳧  
雙眸應接宿醒為之蘇  
倚樹與不淺哦詩神欲但欲昔天地



不盡舟海集  
四一  
闡水府開玄都禹功定震澤固官書具區于今  
幾千載灌浸去時枯吳越爭戰地廢興等樗蒲  
嗟我與諸君勝覽得自娛不須感千古臨風且  
傾壺

蔣狀元墓

晚步出西郊透遶望邱畝松林何蕭森流水在  
左右孤墳隱其中斧封猶培塿剝石蒼苔深積  
土黃葉厚老父向我言茲墓由來久其人在前  
世獨擅文章乎較藝多士林精光動牛斗桂折

南國多芳草所貴蕙與蘭競秀霜露中同生屋  
石間青々綠葉茂葉々紫英繁含風散芬馥映  
月澹幽間既保貞素節永絕芟夷患我欲斷騷  
容揚舫沂湘沅朝攀倚蘭枝夕攬芳蕙根雖無  
遠人寄佩服永弗諼

己亥六月五日趙彥名鄭玄成過寓所飲

酒

城居倚邱壑幽徑類神仙佳朋得閒暇來此憇  
林泉布席意殊古解衣隨所便蘭香隨風至好



鳥鳴尊高談雜諧譔清吟代管絃且盡今日醉  
聊以樂吾天

雜詩十首

涼風何蕭々吹我庭前樹落葉辭舊枝飄飄逐  
風去時節倏已變奄忽流光驚人生少復老朱  
顏日非故獨居待出期思君歲將暮  
東園有芳草叢生滿平地昨日葉青々今日已  
憔悴榮枯豈足惜馨香委萎歲佳人在空谷軒  
車何時至

明々天上月燦々河邊星灑々白露零唧々草  
蟲耿々夜不寐鬱々悵多情迨々思故鄉眷々  
懷友生關河路修阻歲月忽已征安得如澆酒  
長醉無時醒

昔者子車氏西狩獲麒麟麒麟乃傷死誰知此  
獸仁反袂泣魯叟梟獍方成群麟兮非時出不  
死奚足珍

死直伏清白此道吾所敦蹇々屈大夫乃獨為  
其難世方服蕭艾誰復佩蘭荃遠遊懷故都抱



石沈江湍身隨流波逝名與白日存十年泪羅  
水不愧首陽山

荆卿適燕市慷慨無人知飲酒對屠狗擊筑過  
漸離如何田光子進賢獨見推匕首入咸陽一  
去不復歸縱死秦王死宜扶燕國危

豫讓臣智伯報之以國士吞炭思報讐高誼照  
青史大夫千金軀一死為知己獨吟齊王橫象  
客宜同死

有客山中來遺我青色銅欲鑄菱花鏡空照妍  
媼容留之為莫邪可以斬蛟龍世去歐冶子詎  
忍委庸工

精衛填東海御土去時休東海填不乾口血如  
丹流人皆歎精衛勞力何拙謀胡為反役物營  
營春復秋

天地生衆人豈去賢與愚殉名乃烈士質殖唯  
貪夫白日催容顏朝榮暮遠枯倏然隨物化處  
世竟何如種蘭滿室願同君子居

懷交川諸子友



不盡  
積雨開霽色和氣散微烟游情陟層嶽凝涕望  
交川青天何漠漠白鳥去翩跹遙思群芳集從  
之路渺綿

題張子房歸隱圖

平生三寸舌乃為帝者師韓讐既已報漢爵為  
能縻歸隱豈忘世明哲諒知幾獨有鴟夷子千  
戴共幽期

石菖蒲

石上種菖蒲盆中蓄清泉托根不待養翠葉何  
鮮沃土生蕭艾青當路邊蕭艾人所惡菖  
蒲人所怜

悼慈童

慈童我愛子聰慧殊可怜五齡解人事頭角何  
嶄然朝餐待我食夜宿就我眠群兒競嬉戲端  
坐舒以安有時弄筆墨塗抹笑且言我族日衰  
冷俟汝興吾門胡構虐為疾奄爾

何所依哀哉彼蒼天娟秀眉目夢想在我前  
艷靚尋故井羊祜憶遺環汝魄尚有知念我當



未遂再生為支子慰茲哀暮年

種槿花

炎方有種樹衣被代蠶桑舍西得間園種之漫  
成行苗生初夏時耕理晨夕忙揮鋤尚烈日洒  
汗成流漿培根溉灌頻高者三尺強鮮口綠葉  
茂燦口金英黃結實吐秋繭皎潔如霜雪及時  
以收斂采口動盈筐緝治入机杼裁剪為衣裳  
禦寒類携纒老穉免凄凉豪家植花卉紛口被  
垣墻於世竟何補爭先翫芬芳棄取何相異感

物憎惋傷

渙溪隱居為俞希聲作

幽人事隱遯結屋溪山居浮波繞闌楹白鷗戲  
庭除沿溪尽渙者日口溪中渙東風二三月綠  
水泛菰蒲渙舟倚南岸垂綸得嘉魚臨流買魴  
鯽去復煩招呼徐傾缶中酒旋摘舍後蔬烹鮮  
具盤餐舉觴對妻孥懽然醉自語榮名竟何如  
信知軒冕貴不及隱者娛

贈薛相士



容有薛相士訪我高士盧謂我有殊能耳白面  
不如伊昔歐陽子有相與此符嘉名動天壤千  
載流聲舉我聞笑且謝造化咸吾軀窮通及壽  
天賦予終不渝惟有文字功可以勤力圖垂輝  
沒世後照映青簡書非敢望前哲庶免同下愚  
素心固所願子意云乃腹茲言如果售吾生更  
何須

花園

嘉禾各自媚敷榮發光輝根異葉亦殊花開不  
同時鮮々映幽戶一々含妍姿乃知造化功榮  
華俱有期芳菲如可采勿令傷暮遲

容春軒

層軒結構出當窻蔣花木簷雲棲夕陰庭鳥鳴  
晨旭四時景物佳早晚風氣淑主人頗解事洒  
掃置書軸携琴來佳賓開尊瀉醴露微酣有餘  
懽諧笑春意足寧知城南居秋風滿茅屋

對菊

佳菊性所愛金英霜後敷見之開旅懷移植向



庭隅豈無杯物出賞與誰俱今晨佳友過花下  
共懽娛西舍新醪足以供所須

題蘭

幽蘭石間生自與蕭艾異開花中露中顏色靡  
憔悴空山無人知誰攜筐筥至終焉抱國香百  
草不敢蔽冷風颯然來芬芳滿天地

陸景周東園隱居

陸生東園隱風景一何佳既栽陶潛菊亦種邵  
平瓜於焉適真趣宦復慕榮回顧殉名者已簪

纓何足誇

送章鍊師

山城值徂歲羈思鬱難宣幽人送何來笑言接  
清醞出游同策杖相過輒傾樽飄然忽辭去寥  
廓羨孤騫

惜別

江山無行人天寒况風雨出門無友生情深別  
良苦褰衣感繾綣豈不念留處高堂想歸期歲  
舟月不我與停舟且無迫傾樽出清沽酒短衣



不繫舟集  
更長舍淒我云語

大水懷何汝樵

玄冬降大水高原流白波出門去舟楫念子抱  
沉疴空慚乘輿友歲寒心靡他不能裹飯往孰  
聽鼓琴歌世情日迫阨四郊聞兵戈雖出龍蛇  
歲賢人猶網羅達生固委運天意竟如何我身  
久行役暫吾歸林阿交朋各憂患蓬華誰經過  
感時少娛樂索居嘆蹉跎安得扁鵲術起子同  
婆娑

松泉舊隱

彼美嘉遜士築室山之陽山根多松樹源泉出  
其傍歲寒色青々雨霽聲浪々飲水解我渴餐  
松以為糧已去軒冕念宜復事紛攘大夫重出  
處隱顯各有方豈其愛松泉而與世相忘懷才  
成獲落適意聊倘佯當知衡門隱不似接輿狂

畫鷹

淮公所藏鷹年代不可校惟於絹素中彷彿見  
形貌骨格凜蕭森神氣張雄鷲古人毫端妙今



世豈能亡到掛之空壁間簷雀不敢噪秋風天  
宇高呼哨欲騫踏我觀英俊姿感激成憤悞鳴  
巢羽連翩狐兔影顛倒非去鳳與麟潛伏在深  
奧借爾雙翮徒為我作司鏡

送商時雨

昔我到黃巖日與乃翁游汝時在襁褓索栗聲  
呶嗶別來十八年相逢向東甌汝才正英發我  
已霜滿頭客居喜隣近朝夕惻羈愁吟詩出秀  
句窮徑企前修將迎去虛日禮數一何優奇毛

覩鸞驚名駒見驂騑忽來與我辭歸途戒清秋  
前日送乃翁作惡猶未瘳今晨汝復去我亦難  
久留維時尚艱危武臣奮干矛王師過淮甸指  
日清遐陬愿言蘊奇璞磨礪待搜求崇山覆簣  
積源水盈科流期汝在霄漢顧我終林邱臨分  
曷為贈媿去琛與球來蘭江之滸聊以寄綃繆  
出吳門有懷聲公

牽舟沂滄波回首遠城郭人家渺湮靄佛塔倚  
廖廓曠楚鴻雁飛沉吟西日落懷茲物外侶白



雲何悠邈

山陽詠懷三首

平生高世志耿介去俗情自予出山來始為塵  
網縈強飲事俯仰內愧常交并立身自有道胡  
為日營々朝飲淮河水暮宿山陽城淹留非所  
樂羈旅竟何成

旅寓意多違百威中夜集本來麋鹿性誰甘白  
駒繫絨嘿非忘言柄鑿恐難入榮名亦何用令  
德苦未立念茲日月逝少壯懷靡及歸哉復歸

哉江湖風浪急

淮水清且長遠天望冥眴野草正萋萋幽花何  
灼々春來百物榮禽魚亦飛躍淒然獨客懷有  
酒共誰酌故人同鄉子異縣共漂泊朝夕庶往  
來諧笑慰寥落

不繫舟渙集卷之三終



石  
畫  
分  
海  
集

五  
一











